

مسحراتي على أوتار القيثارة



الملتقى للنشر و التوزيع

إسم الكتاب : مسحراتي على أوتار القيثارة

إسم المؤلف : مجموعة من مبدعي الملتقى

رقم الإيداع بدار الكتب : 2021/8467

ISBN : 978-977-85886-2-0

• • جميع حقوق الطبع و النشر محفوظة للدار

ولا يجوز نقل أو إقتباس أو إختزال أي جزء من الكتاب دون الرجوع إلى الناشر و الحصول

على إذن خطي مسبق منه.

• • تنويه: المحتوى الأدبي هو مسئولية الكاتب بالكامل.

الملتقى للنشر والتوزيع: 9 مكرر شارع ترعة الجبل ، برج سكر ، حدائق القبة ، القاهرة – مصر.

رئيس مجلس الإدارة :

حسام عزام

Moltaqapublishing@gmail.com

Tel: +20 109 901 6240

مسحراتي على أوتار القيثارة

بقلم

مجموعة من مبدعي الملتقى

المسحراتي ١



على دق طبنا

كلمني عن مصرنا
عن فرحة الولاد في الشوارع
عن ضحكة صافية

فوق الشفافيف
عن إيد بتاخذ بإيد مسن
تعديه الشارع
وجندي واقف في عز الحر
في خدمته
وأمهات بيدعوا له ويهتفوا
كلمني عن إيد شايلة السلاح
وإيد بتعمر البلاد
إنزل وإمشي في وسطنا
ربع وكل من اكلنا
إحلم ببلدك زينا

صلي ركعتين
وزور الحسين
طل في وشوش
الشقيانين
بوس إيدين أهلك
و احمد ربك
على نعمة مصرنا
وتعالى بكره ثاني
نغني ونحكي حلمنا

(حرف و قلم m)

كلمني عن الأمان

وإزاي العين تقدر تنام

والقلب مجروح

والبال مشغول

إزاي تقدر تكون

مرتاح الضمير

وأنت سبب في

كسر خاطر

أوجرح قلب مسكين

قولي إيه معنى

الخوف يسكن

جوه قلبك

وانت بتبتسم

والنوم مخاصم العيون
وانت بتفتخر

أنك كسبت رهان
على قلبي و محبتك

وانت عمرك ما كنت تحلم
تترسم على جدرانه

أوحتى تخطر
ببال صاحبه

(حرف و قلم m)

على أنغام ليلنا
كلمني عن أوطاننا
عن مصرنا
عن عراقنا
عن سوريا الغالية
و اليمن الجميل
و كل شبر من
فلسطين
كلمني عن أوجاع العرب
و عن أحلام أطفالنا
و أنا أقولك عن إيماننا
إن ربنا يحفظ بلادنا
يا واحد يا رزاق...
إرزق عبدك المشتاق..

(حرف و قلم m)

يا رب العباد..

إرفع بلاك عننا

وازرع الصبر في قلب

كل واحد مننا

و نكمل المكتوب

على جبين القمر

نكمل قصة ..

في كل حنة

نلقى الشبه مقصود

قصة حمادة

قصة شحاتة

هياها القصة

و قلب الحبيب

في كل حنة

بينزف آهات

بيحي حكايات

جواها غنوة

غنوة حزينة..
غنوة سعيدة..
في الأصل غنوة
تعالى و اسمع
و دق طبلي
و قول يا هادي
اجمع شملنا
رد الحبيب لقلب
عشقه من زمان هنا
عشقه و دابت خطوته
ورا دقته
إصحى معايا
يا ابن حينا
و قول يا دايم
إصلح من شأننا

(حرف و قلم m)

مسحراتي...

بأسعد معاكم
بأنشد معاكم
غنوة للعاشقين

يا كل قلب انجرح
يا كل روح متعلقة
بطيف الحبيب
صحصح معايا
قول ويايا

الأولة و الأخيرة
في الغرام
قلبين دايبين
على لغة الهوى
متعودين
على رسم النجوم
في السما سهرانين

و في كل ليلة
و في كل يوم
نطبطب على قلوبنا

نجفف دمع أشواقنا
اصحوا يا عاشقين
اصحوا يا احباب

فات الشهر و عدى
ما بقي غير أيام
و ساعات..

(حسام)

في ميعادي دائماً

في ميعادي حاضر

قوم و صحصح

و قولي حاضر

تعالى نفتح كتاب تاريخنا

نجيب حكاية من تراثنا

دي مصر جنة

و احنا حراسها

دي مصر شابة

و العالم شايب

افتح معايا

صفحة جدودنا

شوف العظمة..

شوف الهيبة

دي حضارة قائمة
من سنين طويلة
إقرا تاريخك..
غني معايا.....

وصحي الجيران
نصحي نصبح
على ام الدنيا ..

(حسام)

إصحى يا نايـم وحد الدايـم
إصحى و صحى الضمير النايـم
احكى عن الزمان اللي صار
و الحق اللي يتلام
عن إخوة كانوا زمان
واليوم يقتلوا بعض عشان الأمريكان
احكى عن إخوة ضيعوا حق الجيرة
و سلبوا حق أختهم الصغيرة

ضيعوا وصية نبيهم
ياريت يا زمان تعرفهم طريق الأمان
عمر اليهود و النصارى ماحبوهم
فرقوهم ليعرفوا يسرقوهم
و بسيف الغدر بكره يطعنوهم
خبرهم يا زمان عن سيدنا يوسف
و كيف ضيعوه إخوانه
بس عمر ربك ما يخلي الظلم يكبر
ويرجع فوق الحق و يكسر الميزان

طريق الظلم مهما طالت
ربك أكيد هينور الدرب
و يخلي الباطل تحت
و العدل يرجع له كفة الميزان
عم احكي عن بلادي و أمتي
عن شعوب بتموت ولا حد قال بيكفي

إلتهينا و عبدنا الدنيا و كفرنا
و غلبتنا شهوتنا و نسينا
إن قوتنا في إتحادنا
اصحى يا مسلم وحد الدايم
رمضان رايع و محدش كتب اسمه
على أبواب الجنان
اصحى و صحي ضمير العالم
و خلي راية ربك فوق مصالحك

(بسمه)

اصحى يا نايم وحد الدايم

اصحى يا نايم وصحي ضمير العالم

ياسمينة المداين كانت

فاح عطر هادم و ضاقت

الحزن و الهم قتلوا..جرحوا

شبابها و نسائها

و أطفالها ماتت وسط البحر

ابكي يا قلبي على الشام

أرض العزة والنخوة وأرض العروبة

هجروا و دبخوا ولا حد قادر

يوقف طوفان الدم

و الكل يستنى من الأمم الحل

ولا حد مسح دمع اليتامى و صبر الأم

اصحى يا نايم وحد الدايم

اصحى و صحي ضمير العالم

(بسمه)

كل يوم نفس الحكاية

و كل ليل مليون رواية

هو يقول ويلف راسي

في ميت حدوتة

فيها عاشق وفيها عاصي

فيها الحليوة ابو ضحكة حلوة

اسمر و عيونه فيها يجي

مليون غنوة حب عالي

حب صارخ ما له حكومة

و لا قانون

مفيش حرام

ولا فيه ميصحش

مسحراتي يدق بابي

ويقول يا حلوة
أنا العريس
أبو ضحكة حلوة

و صوت يترنم
بعشق صادق

و كل ليلة نفس الحكاية
وكل ليل مليون رواية

في حلم ما له نهاية
عاش معايا في كل غفوة

(إسراء)

في كل شارع

في كل حارة

عناقيد تنور

وجمال وزينة

فانوس يدور

بإدين ملايكة

ينادوا وحي

يا أهل بلدي

جانا العزيز

وناوينه صومه

ناوينا نبداً

تراويح في ليله

ونهار بنسعى

لكسب عيشنا

جاءنا نسبح

بحمد رب

ما ينسى عبده

ضعيف بيقوى

فقير بيغنى

وكله فضل من الكريم

ونقولها ثاني

اصح يا نايم

اصح يا نايم

اصح وحد الدايم

رمضان كريم

(عبير مجدي)

المسحراتي ٢



بقالنا كثير ماتجمعناش

أوقاتنا الحلوة تروح ببلاش

يا صاحبي يا عشرة أيامي

العمر يعدي و مايتنساش

مشتاق للقهوة و قواشيطها

و القعدة الحلوة و لمتها

و الشاي بحليب و عليه قشطة

و اللي يكسب نهتف له اهو عاش

وحشتني ماتشات الكورة

واحمد جاي إيده مكسورة

و خناقنا عشان حد أناني

مرضيش بباصيها بسهولة

وحشتني الجارة
في بيت صاحبي

واقف يراقبها من بدري
و يقول في يوم معجب بيها

في ساعتها اشوفها زي أختي
وحشتني صلاتنا في الأعياد

بعديها نضرب الف ميعاد
وحشتني اللمة في الرحلات

جايبين الأكل أصحابنا بنات
و نبدل كفتة بهامبرجر

و محمد معجب اوي بزيينات
وحشتني الضحكة تكون م القلب

لمة شلطنا في موقف صعب

تلاقينا كأننا أيد واحدة

و لا واحد فينا يحس بغلب

الظاهر إن إحنا بعدنا

توهنا في الدنيا و أخذتنا

لكن فضلالنا أهو الذكرى

وفي يوم

هنعيد من تاني لمتنا

(حسام)

يا سامع ندايا

يا فاهم لغايا
القلب فاض به
ما عاد يسامح

العهد كان
بيننا واضح
تصونه...
و أنا أقدر أسامح

كان بيننا وعد ...
على الوفا
كان بعيد عنا الجفا

يا طول عذابك
و السبب بعادك
يا طول سهادك

بعد نسيانك
الوعد اللي كان
آدي حكايتي
آدي روايتي

كان الإخلاص غايتي
نقول سلام
على دنيا
مالها أمان

(حسام)

على كف القمر

مرسوم
حرفين لإسمي
و إسمك

على باب الهوى
متعلق
قلبي بقلبك
يا أميرة
من زمن مهجور

وفي ضي القمر
أتمشى
في طريق
ورد و شوك
الورد عشقك
والشوك هجرك

والخوف ماليني

ل في يوم

أصحي من نومي

ألاقي القلب متحير

ما بين حلم و شوق

(حسام)

كان الميعاد بينا

نسهر على

ضوء القمر

كان الوعد

ساعة الغروب هنا

كان اللقاء

كان الوعد والمكتوب

ولا كان في بالي

أني أغني

وأفكر اليوم ده

كما الذكريات

كان الأمل يدوم هنا

يطول اللقاء أعوام

وآدي نصيبي

في نفس المكان

أتذكر الأحباب

(حسام)

متقسمه روحك

بين الوجد والنوح
والعين بتضحك هم
في جناين العابرين
و القلب نبضه أصم
مشتاق في مرة يبوح
بقيتي زي ملاك محبوس
ورا الفتارين
كل اللي لمسوا الورد
كان الحنان كداب
شمسك بتشرق غرب
و سؤال مالوهش جواب
مين اللي زرع الشوك
و رماه في أعتابك
و لما صرخ الجرح
سابك و رد الباب
(حسام)

مسحراتي

في كل حنة

انادي يالي

سامعني إنت

صحي اللي جنبك

وقوله يلا باب السما

مفتوح لتوبة

إتوضا وأذكر

واستنى يدن

سبح إلهك

واخلص عبادتك

واحكم صيامك

الزم صلاتك

دا بابيه واسع

للي يواظب

على كل طاعة

ع الطيلة أدق

واقول يا ناس

طاب الغراس

والفجر قرب

سلام عليكم

من قلب عاشق

واقولها تاني

اصح يا نايم

اصح يا نايم

اصح وحد الدايم

(عبير مجدي)

كنت بقرأ الحروف

وقلبي بيخطفه

مرة الخوف ومرة

العشق والهيام

وفي لحظة فالتته

من حالة الهذيان

اللي كانت روعي فيها

أتقبض قلبي مع آخر دقة

لمسحراتي بلدنا وشففت

بين السطور قطرة

دم هاربة من وريده

كانت أمضى

تمحي كل اللي قرأته

و تختم الجواب

بالوداع الأخير

(إسراء)

دق دق دق

مسحراتي حارتنا
فكرني بيك

خلاني أسرح
في "سحر عينيك"
مع أن يا حبي
بقالنا كثير
ما تقابلناش

ومع كل الزمن
دا والمسافات
اللي أتقطعت
بيننا لسه زي
ما أنت صورة جوه
قلبي ملامحها
محفورة...

فيها سحر عيونك
فيها همسة صمتك

و لمسة صافية
ما يحس بيها غير
قلب حب

و لما اتقابلنا حسيت
بنشوة عشق
كان بارد في قلبي
له زمان

ردت لقلبي الحياة
و زاد الأمل نور
و زاد إيماني معاه

(اسراء)

أيدي في أيديك

لسه مكملين

مشوار حياتنا

مانتهاش

لسه باقي ألف ميل

ومليون سعادة

ماقبلنهاش

لسه بدري

على التعب

متزهقش من

الظلام ما تياسيش

وعلشان خاطري

حبيبتي

ماتصدنيش

خليني جنبك

أيدي في أيديك

ماتخفيش
هنوصل لطريق
عشان هناك نكمل
رحلة العمر الجميلة
نبني قصر الذكريات
و نعيش في تبات و نبات

اهم حاجة ماتياسش
من القدر
قدرنا مخلص
ماتخفيش

(اسراء)

إتسع قلبي حين

ضاقت على أحبابي الدنيا

وتغيرت على الصحب كل السبل

إلا سبيل روعي كان معلوما

على سطوري بكت عيونهم

وتسربت بين الفواصل والنقاط أسرارهم

نمى على شواطئ الحنين

ياسمين رحيلهم والنبض

لم يستكن حين غيابهم

مازلت على عهدي أنتظرهم

وأمني النفس بقاءهم

(بسمّة)

يا من إليها ترحل رحي

كل مساء

وتعانق نبضي ستائرهما

في الأحلام

يا بيت الله في أرض

الحجاز

وعبير فاح فيها من أثر

الرسول

فيك الطواف والصفاء

والمرودة

وزمزم إذا اشتد بهم العطش

دواء لكل داء وإبتلاء بالروح
والجسد

فياليتني حمامة أحلق في
سماك وأرتشف من رذاذ طهرك

(بسمه)

لا زال جرحك يأمتي دامي

ومدائن الأقصى تبكي

اهطلي يا غيوم السلام عليها

وأفيضي يا وديان الحب بها

لا زال دمع الثكالى يجري

وصوت الحق فيك مكلوم

فيك غزة والخليل وفيك

الضفة والقدس تنادي

غاب عنك صلاح الدين

وماتت نخوة الحكام

وداعاً يا كبرياء أمتي

فقد استباح اليهود عرضي

(بسمّة)

شد الرحال

وأرخي سدول

الليل

خلي الختام عتق

من النيران

أسكب عبير الجنة

ورى كل الغمام

نودعك ودموع

الأمل تنزل تطفئ

نار الخطايا و تمحو

بعفوك كل الذنوب

سارع خطاك وإحنا

نبقى نستني

رجوعك بينا

جمعتنا على المحبة

ورضى الرحمن
نودك يارمضان
وأملنا أننا من سكان
الجنان

(بسمه)

أسكب بعض العطر

في محبرتي
لأكتب حيرتي على
صفحات الزمان
وطن مسلوب يبكي
وأرواح الثكالى تناجي
دم في الطرقات مراق
وأشلاء ممزقة على كل
الدروب
متى ستفيق أمتي
وتعرف أن عدوي أبدا لن
يصبح صديقي
ولن ترضى عنا اليهود
والنصارى حتى نتبع ملتهم
فنكون حينها من الخاسرين
(بسمّة)

جاء رمضان وعاد معه

فصل الشتاء

وكأن الأرض تعانق السماء
ترتشف من عذب الماء
حتى الطيور غنت وغردت
ورفرفت حول هلال الصيام
صلاة وقيام وإغتراف الحسنات
تمر ولبن على الموائد الإفطار
وبعض الطعام يأخذه الأطفال
إلى الجيران
بسمة ترسم وفوانيس تضاء
وصوت المسحراتي ينادي
في كل الحارات

(بسمة)

مسحراتي..

مددقاتي...

عاشق جمال الليل
بأقول و اغني يا ليل
تسمعها ودني
و تدمع العين
يا ليل يا كاتم أسراري
يا بدر طالع ورا السحاب
بيلاي
قول معايا.. غني ويايا
أنا اللي عشقت
و دببت في جمال العين
أنا اللي قلبي
انقسم نصين
يوم ما شاف الجميل
طال على الغير
آه يا قلبه الحجر
ساب قلبي الجدع

إنفطر
و الدق على طبلي جبر
و كسر قلبي لساه
ما انجبر
إصحى يا قلبي و فوق
دا قلب الحبيب حجر..

(حرف و قلم m)

بالورقة و القلم

نرسم سوا رسمة
نرسم فانوس ينور
كل شارع في البلد
نرسم عيال و هيصة و لمة
و طبلة ندق عليها بحروفنا
نصحي النائم الغفلان
نقوله قوم وحد ربك
يا حيران
قوم صلي يا كسلان
مسحراتي أنا...
من زمان
في كل حدوة عن رمضان
في كل بيت من بيوت
زمان
ذكرى و غنوة عني
إصحى يا عاشق يا ولهان
إحكي للنجوم عن

حلم قلبك
عن شمس الشمس
اللي مالية عمرك
و صحي كل العاشقين
دا الليل يحلى بقرب
القمر جنبك.

(حرف و قلم m)

ورا كل باب ..

حكاية م الحكايات
قلب حزين .. و قلب سعيد
و قدر من رب العباد
يكيف حياتنا
يرسم آهاتنا
قدر و مكتوب.... ع القلوب
تتوجع من الألم
ترقص من الفرح
لكنه مكتوب
ايام تعدي و تفوت
أحباب تبقى و احباب تموت
و انت حمال الحمل
يا قلبي يا مكلوم
(حرف و قلم m)

وعن همسات بعدك

تحتضر الحروف
و تنتحر الاوراق
وعلى حبل الموت
ينذر الحبرذاته
ليرسم من موته
صورة عشق
اذابت كل محاسنه
فصارت ايامه كلياليه
سوداء مظلمة..
يكاد الأسود يغطي
كل تعابيره

(قسيس العاشقين)

على دبكة (الجوبي)

ورصعات الخدود..
وصفقات الأيادي..
وعن عذب الفرات..
وسريان دجله الخير..
حدثني عن المسله..
وعن آثار بابلي..
لا زال الحنين يحدثني..
و أنا ساكن بك وقلبي
ينبضك حباً
يا عراق-----الخير يابلدي

(قسيس العشقين)

أذن مؤذن الحق

وصرخ بالتكبير
في أعلى صوت
وهفتت المقل
على المياه ترتوي..
و كأنها تحاكيها
أيا حبيبتي أقبلي..
وصرح في داخلي
جرس الإنذار..
أفرح كثيراً فما يليه
سهر وعتاب وحنين..
إلى غائب ليس كالماء
رغم أنه سر الحياة..
وأنه به كل شي
بداخلي حي..

(قسيس العاشقين)

المسحراتي وصل

إصحي يانايم

لوبكره صايم

لا الفجر يدن

وتبقي نادم

دايما داوم

طول العام

علي فعل

الخير مش

بس كلام

طلع غارم

إكسي يتيم

اطعم صايم

داوي محروم

شوف في

قرايبك

شوف في

جيرانك

طهر قلبك
ضاعف مالك
يبارك ربك
فيك وعيالك
خلي زكات
هي نجاتك
ليك في
حياتك
وبعد مماتك

(لون الورد)

انقري يا طبتي

لحن حزين

لن ينام الليلة

كل قلب أحس بالرحيل

الليلة ليلة مفاجئة

الليلة فيها مصرعه

عظم الله لنا المصاب

بفقدك يا أغلى الأحباب

(أمير الكلمات)

يا طبّلتّي يا طبّلتّي

انقري فرحا

انقري سعادة

اليوم قد أطلت

قمري

ملكتي

من شرفتها

أحسست بالامان

بعد الضياع

نزلت إليّ

لنصعد سويا

ليس لشرفتها

بل فوق النجوم

(امير الكلمات)

بعد أن مشينا
في الشوارع والأزقة
توقفنا تحت شرفتها
لماذا هذا النقر يا طلبتي
تنقرين لحن الذكريات
وتعودين بي لأيامي الجميلة
ما عادت تطل
بقيت أعيش
على ذكريات الوجه الجميل

(امير الكلمات)

ها قد غربت الشمس

والليل أدلى سدوله

وأنا مع طبلتي

متلهفين للنقر

سنأتي تحت شرفتك

بنت قلبي

طلي عليّ

كفاك جفاء

واستبدلي الغروب

بشروق وجهك المنير

(امير الكلمات)

يا أهالي القيثارة

ألا من أحد

يخبرها

أن المسحراتي قد وصل

لتطل علي

كما القمر

فقد بح صوتي

وانا أصرخ

سحوووور

سحوووور

(امير الكلمات)

طبلتي الوفية

حان وقت الخروج

لنذهب تحت شرفه المحبوب

نتطلع للسماء

نبحث عن قمرين

قمر السماء

وقمر الارض الذي يأبى ان يطل

هلمي بنا

فقد حان وقت النقر

سحوووور

سحوووور

(امير الكلمات)

طبلتي

رفيقة دربي

يا من تحملتي

هذه الليال

سنسهر الليالي مجددا

ننقر وننقر

لايقاظ النيام

ليجهزون للصيام

لكن سهرنا

كما تعودنا كل ليلة

تحت شرفة المحبوب

ننقر بأنغام الغرام

ليت قلبها يحن

وتطل علينا

وننعم بالسلام والهيام

(امير الكلمات)

بنت قلبي

طلّي هذي الليلة
وابعثي الأمل يتجدد
في روحي
فأنا أجوب السكك والدروب
أنقر على طبلتي
التي يحب أن يسمعها الناس
إلا أنا
لا أحب سماعها
لأنني أحس بصراخ قلبي
مع كل نقره

(امير الكلمات)

يا طبلتي

هلمي بنا

كما في كل ليلة

ننقر

تحت شرفتها

لعلها تطل

فكلي امل هذه الليلة

لرؤية محياها

وعندها ستتغير نغمتك

إلى نغمات سعيدة

(امير الكلمات)

عدت تحت شرفتك

لم تقدني أقدامي
قادني الحنين إليك
وقفت مع طبلتي
تحت شرفتك
من حيث لا أشعر
وبدأت أنقر
سحور يا صائمين سحور
إنه وقت مباح
بح صوتي من الصياح
ألا تطلين للحظه
فأشاهدك و أرتاح
أما هز قلبكم من حنين وسماح
سحووور يا صائمين سحوووور

(امير الكلمات)

يا طبّلي

سأظل وفيّاً بعهدي
سأظل أنقر كل صباح
صابراً
عسى محبوبي يطل
ناشدته ليالٍ وليالٍ
أن يطل
وسأظل صابراً
تحت شرفته
انقر عليك يا طبّلي
و اظل مخلصاً لك
يا صاحب الشرفة

(امير الكلمات)

أَيْنَ أَنْتِ

لَمْ تَطْلِي

وَأَنَا مِنَ الْيَمْسِ

مَاسِكَ طَبْلِي

صَابِرِ

وَأَقِفْ تَحْتَ شَرَفَتِكَ

مَنْ يَشْتَرِي ذَاكَرَتِي

كَيْ أَمْضِي

كَيْ أَتْرِكَ شَرَفَتَكَ

كَيْ أَدُقَّ بِطَبْلِي

لَأَيْقِظَ الْجَمِيعَ لِلْسَّحُورِ

(امير الكلمات)

إصحى يا نايم

وحد الدايم

إصحى ودع الوسادة

وتأمل لسهدي وذبول

عيناى

إصحى

فقد اخذت الطبل

لأصحيك

وأنا أقف تحت شرفتك

طل علي

طلت تسعدني

كأنها هلال العيد

(امير الكلمات)

يا من طيرت النوم

من عيوني

إستيقظ

لنأكل سحورنا سوياً

وشربة ماء من يدك

ترويني

فلا أشعر بالظماً أبداً

(امير الكلمات)

المسحراتي ٣



في ليلة القدر تفتح

أبواب السماء
فتوجهوا بقلوبكم لله
واستغفروه وادعوه
فإنها ليله
خير من ألف شهر
ادعوا أن ترفع
أعمالنا خالصة
ويتقبل الله دعائنا
ويغفر لنا خطايانا
ويعفو عنا ذنوبنا
ادعوه وأخلصوا
في مناجاته
لعلها تكون المُنجية

(حسناء)

إسمع يا غافلا

قد شاع نور الله

في الأرض والسموات

وبان الفجر بعد طول

سواد

هذا رمضان أقبل ونسائم

الجنة تداعب أيامه ولياليه

والعفو والغفران والرحمة

عنوان لكل طائع فيه

لا تقل سأقوم الليل

وسأعترف من فيضه

ساعات إنما أقبل في

كل وقت وعانق الروح

بخير الدعاء

(بسمه)

مع كل دقه

من دقاتك الحبيبة

هناك فصول حب تروى

تبدأ مع

أول إرهاصات للشهر

وتنتهي حين يشرق

هلال العيد

ثلاثون يوما

نحياها كأننا

في الجنة

لا أحد يمكنه سرقة

السعادة منا

فهي هدية الرحمن

لقلوبنا المحطمة

على صخرة الحياة

(شفاء)

لكل بداية نهاية قاسية

وكانت نهايتك

أقصى نهاية

جمعتنا حولك

بآخر رمضان الك

كأنك كنت عارف

إنه آخر رمضان

جمعتنا بخوفك و حرصك

كنت تقول لنا ..

يا بنات زادكم بدنيتم

صلاتكم و العبادة

كانت نصايحك

ضحكاتك.. مسابقاتك

تحدياتك..

بتنور طريقنا

و اتفقنا ..

رمضان الجاي يجمعنا

رحت بكير قبل ما يرجع

من جديد

قاسي غيابك مثل

قساوة رمضان

من دونك..

(شفاء)

نبض قلبي

ياأخذني حيث آخر
مائدة رمضان سويا
حيث كنا مجتمعين
كقلب واحد و جسد واحد
منذ رحيلك..
تفرقت القلوب
حتى لو بقيت الأجسام
مجتمعة
مهلك الحنين
لأرواح حولنا
نفقدها بقوة
رحيلك ...
جعلني أرى العالم
بشكل اقسى مما
كنت أتخيله
عد لساعة فقط
أحتضنك فيها

و ا همس في أذنك
كم كنت غالي و عظيم
تمكنت من جمعنا حولك
ولكنك لم تتمكن من
جمعنا بغيابك.

(شفاء)

هسسسس...

يا مسحراتي سكت طبلتك
في بوح السهرانيين لا تزعه
في قلب يرفرف من كثر الدبح
بقول كل يوم بصمت
يارب ريحني وخذ الروح مني
و بعدها بشوي بأستغفر
و بقول بكرا بينصلح الحال
و من سنين و بكرا ما اجي
إمتى هيجي ما حدا بيعرف
بس على الأكيد
بيكون بعد ما بتكون الروح
استسلمت للأوجاع

(شفاء)

غنيت مواويل عشق

و رقصت على أنغام الهوى
طول ما الشمس ساطعة بالسما
و يوم نامت الشمس
و طلع القمر يطمئن
على هذا القلب
بكيت حتى جفت دموعي
و انبح صوتي من الوجد
قاسي يا حبيب هجرك
قاسي خداعك على
قلب صغير مثل قلبي

(شفاء)

لم تكن المسافات تعينني

حين أسمع صوتك يقترب مني

حين لا يفصلني عنك شئ

نبضك الساكن وريد قلبك

أشعر به ينبض مع نبضي

فكيف تقول

بيننا بحار و محيطات

أنا و أنت روح واحدة

ربما تفرقت أجسادنا

حتى لم نتمكن من لمس بعضنا

و لكن روحينا متعانقان

منذ الأزل

فلا تخشى البعاد

و قلبي و قلبك أقرب لبعضهما

من حبل الوريد

(عسل)

و بتعجز و تمشي
تتعكز على الأيام و ع الماضي
و تتغير و برضه
الدنيا تتغير
و عمرك راح على الفاضي
يا مستهلك
ما بين نفسك و بين حلمك
و حلمك أصله مش عادي
انا شايفك...
حاجات مكتومة في شفايفك
و تسكت وانت مش راضي
ولا يهملك...
مسير الأرض هتضمك
و ترمي البذرة من جسمك
فتطرح وردك النادي

(حسام)

و تعود من ثاني

ليالي القمر

و معاك يا شهر الصيام

يحلى السهر

نتسامر مع الأصحاب

و معانا ذكريات زمان

كنا صغار..

ما نعرف الفرق بين البيبان

كنت في بيتك

و أنت في بيتي

و كل أم..

أم لنا كلنا

راح فين الجمال

راح فين الحب اللي كان

مضلل على شباكنا

كان...و كان

تعالى يا صاحبي

غني معايا غنوة حلوة

كانت بتسعد قلوبنا
أنت تدق الطبلة
و أنا اقول..
إصحى يا عم رمضان
بكره صيام

(حسام)

على شباك بيتنا

مرسوم عصافير

كان الرسم هوايتنا

نلم أصحاب

و نلون ع الحيطان

و في رمضان

نسهر لحد طلوع الفجر

نلعب ماتش مهم

و صوت الأمهات

من فوق ينادي..

إطلع يابني

السحور جاهز

أيام و ذكرى

ماتنمحي من قلب

كل واحد منا

إشتقنا للمة

إشتقنا للعيلة

و القعدة على
سطوح بيتنا
و شرب القهوة
براحتنا

(حسام)

عدى و فات

شايلى فى إيده طبلّة

صوتها هو انتباهنا

يدور يدق أبواب الجيران

و يمر على بيت حبيب

كان لي من زمان

و بعدنا بعد ما طالت

مسافات السفر بينا

و الدار خلّيت من الاحباب

فات على بابها

و عينه على شباكي

قال بصوته الحزين..

عاشر يابن آدم

مسيرك تفارق

لكن ما تحزن
ربك شايك كثير

إصحى و اغسل همومك
بالوضوء

و صلي على سيد الخلق
و وحد الرحمن

(حسام)

صوت طبلك

يجعل الأمل يشرق

في القلوب

فأنت من توقظنا

للسحور والصلاة

أنت من يشعرنا

كم نحن مقصرون

طوال العام

كان بمقدورنا

الإنتباه قبل الفجر

بدقائق

نتوضأ و نصلي

عدة ركعات للباري

نستغفر .. ندعو الرحمن

دق على طبلك من ثاني

(حسام)

بين ليالي السهر

رتبت الأمانى

بعت بيها للقمر

و وصيت النجوم

و ف سهرة جميلة

على صوت ثومة

فتحت خزائن أحلامي

طلع منها الحلم

اللي ف قلبي ساكن

و سرحت مع الغنا

و الحلم خدني للسما

و سمعت صوت

مسحراتي حيناً

بيدق دقاته و يصحي أحبابه

و نزلت م السما
و ضحكت من قلبي
ع الحلم اللي طول عمره
محبوس

و على قلبي اللي اتخنق
في عتمة الليل

(حسام)

و صوت الهوى عالي

و دي نسمة بتلالي
على شباك الهوى

و قلبي كما الطير
يرفرف سعيد
يشد أوتاره و يعزف
على صوت الذكريات
لحن يشهد له الأحباب

و صوت صاحبي و حبيبي

مسحراتي البلد
بيدوي في الشوارع
كأنه بيشاركني فرحتي
بيغني غنوتي

بيدق دقة على طبائته
و قلبي يدق من فرحته

اليوم هتيجي حبييتي
تنور المكان

اليوم عيد قلبي
وزعوا الشربات

إسقوا بنات الحي
و الشبان

(حسام)

تعالى..

يا صاحب الطبل
يا من توقظنا
منذ الصغر
قبل السحر
تعالى أبوح إليك
بوح السهرانيين
ففي قلوبهم
يكمن سر عظيم
هم من عرفوا
كيف تعيش الدنيا
بعيدا عن العالمين
فاختاروا ظلام الليل
ونيسا لهم
دوناً عن العابرين

(حسام)

على رصيف الزمن

طول عمرنا واقفين
نستنى توصيلة
من محطة لمحطة
تلف بينا و تدور
و الفرح و الحزن
يتبادلوا الأماكن
و الحلم جوانا مستني
يرسى على نهاية
و أنا و قلبي لسه
مستنيين
يمكن نلاقي الحبيب
مرة قدامنا
و يفضل الأمل عايش
بين أمانينا

(حسام)

دق يا مسحراتي

طبلتك

سمعتني صوت

ضحكتك

لف الحارات..

لم الولاد..

غني لمصر غنوة حبنا

نحصد من أرضنا

حصاد الحب

و نعلمهم معنى الحياة

و احكي بطولات

شهداء أبطال

لاجل نتعلم منهم

دق و علي صوتك

و احنا هنقول معاك

صوت الولاد

هيرج الأرض

يسمعه عدونا

قولوا لأم الدنيا تحيا

قولوا لبهية

إنها عشقنا

(حسام)

بين إيدينا الحلم داب

كان منور دنيتي

بين عذاب و فرح غاب

بعد ما ودع جنتي

و النهاردة يوم جديد

أستنى فيه فرحتي

أستنى شروق الأمل

في سما وحدتي

و أخاف يطول الإنتظار

أخاف الحلم اللي

غاب يختفي

ما يرجع مكانه

و لا تصحى الأمانى

و في عز خوفاي

أسمع ندا مسحراتي حيناً

بيغني نفس الكلام

اللي قلبي كان كاتبه هنا

على صفحة من

صفحات عمرنا
باسمع إيقاع الطبلة
ياخدني لنفس المكان
ألمم شتات الحلم
و أرجع دنيتي
و استنى تاني
يمكن ترجع فرحتي

(حسام)

و كل يوم أقول هتنسى

و ألاقى الشوق

في قلبي لسه

أشد أوتاري و أعزف لحنى

أقول موال في الهوى

و اسمع صوت الهمس

في النوى

و دقات قلبي كما الطبلة

ساعتها فات على بالي

مسحراتي الحنة

أما كنا نستناه سوا

و نغني و نتسابق

مين اللي يقدر

يدق زي دقته

و ضحكت من قلبي

دا لسه جوانا

أحلام الصبا

و لسه المسحراتي

بیرفع النداء

مشتاق لقلبك

يکمل حلمنا

(حسام)

إحكي يا عم سيد

سمعني دقة طبلك

إحكي على الزمن

اللي عدى وفات

وأخذ معاه أجمل

ذكريات

سمعني جمال

العبارات

وموسيقى الحروف

بتعزف على الأوتار

قول للشباب إن

العيب فينا

الزمن بريء من

الإتهام

إحنا اللي نسينا

إزاي نحب بعضنا
وإزاي نساعد المحتاج

علمهم إن الحنين
للزمن القديم مش عيب
ده إيمان بالخير اللي
جوانا اتزرع من أهلنا

غني و سمعنا
و صحي الناييم
يقوم يوحد ربنا..

(حرف و قلم m)

هل هلاك

يا شهر الصيام

هلت معاك روايح

زمان

وأيام زمان

فانوس ينور

في إيد العيال

وصوت الشيخ رفعت

بيرفع الآذان

ومدفع بيدوي

في كل المكان

هيصة و فرحة

في كل ميدان

صواني الكنافة

بتاعة زمان

وخير بلادنا

يفرح الغلبان

سمعني صوتك

يا عم سيد
دق على طبلك
صحي الغفلان
الله عليك يا مصر
يا جنة ربنا
على أرضنا

(حرف و قلم m)

مسحراتي...

حكواتي...

باغني و أكتب أشعاري

ليلاتي

على زماني.. على مكاني

على كل لون من ألواناتي

لما الزمن زودها حبة

انا قلت بختي مع الأحبة

يمكن يكون لون هوايا

يمكن يلون معاه سمايا

لكنه كان شايلي لطمة

عل خد قلبي

على صدر عشقي

لطمة على وش الأمل

ونزلت دموع قلبي

على خد القمر

لخبطت ألوان الأمل

صبحت أيامي متلونة

بلون عتمة الليل الحزين
قوم يا سامع قصتي
غني للقلب اللي انفطر
عصره الزمان
نزع من جواه الأمان
غني... غني كمان!!

(حرف و قلم m)

سمعت نغم

شجن و آهات صبره

مع صوت

تقاسيم الناي

و أمواج الليل

فعادت من دهاليزي

ضوضاء الحنين

و زحام الذكريات

و أوجه احلامي القديمة

علا غناء الحب الرقيق

و طرقت أذني

كلمات ذات لذة

(إسراء)

النهاردة غير أي يوم

ليلة القدر يمكن؟

فيها تسامح

من بعد لوم

سمعت صوت

بعيد ينادي

على كل سعيد

و بينصح المهموم

و الوحيد بيقول كلام

زي الترياق

شهد نازل في القلب

يطفي نار الفراق

(إسراء)

وقفت خف

ستائر الليل
و عيني ترمي
سهام الحنين
على طريق العودة
متألمة طيف الغائب
متألمة لاجل قلبي
و صوت المسحراتي
الشجي يطرق مسامعي
يهز كياني الموجوع
و يفتح دفاتر وجداني
يذكرني بهمسات المحبة
و بوعود شنقت
على مقصلة الظروف

(إسراء)

في الفجر

قبل الأذان بساعة واحدة

نسمع كلنا صوت

طبلّة

أنغامها بتقول حكمة

لمدة ثلاثين يوم

كل مرة بتحكي قصة

و المفيد منها..

إن الوحدة وحشة

و الغربة قاسية

و الفراق كاس مرار

و العتاب يمكن يرجع

قلوبنا صافية

(إسراء)

تدور تصدح

تقول في ليالي القمر
أشعار قلوبنا
و تحكي روايات حياتنا
تعيد اللي فات
و ترجع شريط الذكريات
تفتح شبابيك بيوتنا
و نسمع بشغف
من السنة للسنة
تجي ترش في روحنا الحب
و تجدد فستان فرحنا
و تلملم من الضياع
شملنا

(إسراء)

على مواويل العشق

تصحى المشاعر
تدوقنا طعم الهوى
تملى كاساتنا هنا
و أنا يوم ما حسيت بقلبه
دقت طبول الحب في قلبي
و رنت خلاخيل الفرع في بيتنا
و بقت حكايتنا رواية
لمسحراتي حارتنا
في ليالي الخير يذكرنا
و يهزل على صوت غرامنا
يقول إصحى يا نايم
الدايم يريدك تذكره
و تذكره باسم حبيبك
اصحى و ادعي للحبيب و القريب
و العزيز لو جارك او كان غريب.

(إسراء)

مسحراتي

أدور وألف
حارات بلادي
قصص عتيقة
تقول وتحكي
كان في زمان
أمير وفارس
بين الفيافي
يصول ..يجول
لأجل الحبيبة
حبيبته قصة
غزالة سمرة
خدودها ضحكة
والحُضن جنة
قالوله سافر
إركب بواخر

وطوف ولف
كل المواني
المهر غالي
و إنت يا دوب
تكفي نفسك
و شوف و اسمع
مني العجايب
ركب السفينة
وفي عرض بحره
رموه بخبته
والموج يعاند
والشط غايب
وفارسنا يغرق
والجثة طافية
النية كانت

م القلب صافية

لكن الحكاية

الرزق داق

والحكمة واجبة

تراب بلادك

مش قبر يا ابني

واصح يا نايم

اصح يا نايم

اصح وحد الدايم

(عبير مجدي)

المسحراتي ٤



لـدق يا مسحراتي

إعزف على وترتي

صحي نغم قلبي

و سمّع غناك للقمر

الساكن جنبي

إحكي له عني

إوصف له لهفتي

و حبي

و علم شباب الحي

من قصة حبي

قول للقمر

إني عاشق ولهان

طاير في السما

على جناح حلمي

و كل أمني أوصل

لقمري
و دقات قلبي
أصبحت نغمة
يتغنى بيها العاشقين
و تطرب السامعين

(حسام)

هنا في نفس المكان

بين الببيان و الحيطان

كل يوم ينام

الصعلوك الحالم

يحضن أمانيه

يحلم بحورية

من قلب البحر جاية

تعزف على أوتاره

تغني له أغنية

بحروف قصيدة هوى

من قصايد

يقوم يغني معاها

يسبح في الخيال

و يغوص في بحرها

و يفوق بالنهار يلقي

دراعه حاضن السراب

يرجع يكرر الحكاية

كل يوم

(حسام)

قوم يا

صايم رمضان

وقت السحور

وقت الأذان

دا النهاردة في

كلام من صميم

القلب طالع

مسحراتي

شمس طالة من عينيه،،

نور محلي وجنته

صوت طبائته رقص قلوب

شد حيلك قوم قوام

ع المسابح سبح

و وحد الواحد القهار

دا شهر السباق

عد المصاحف في أيدين الولاد

ووقت الفجر قيم الصلاة

وبعدها سمع حيطان البيت

حنينك للاله..

(إسراء)

له صوت

بيرسم على

الخدود ضحكة

ويجعل العيون لمعة

له طله

كل عام حلوة

تخلي الدنيا دي جنة

شهر و جاي

بالخير حامل

ثوب العفو

ريحة التوبة

و صوت الرحمة

(إسراء)

على دق الطبول

و مزماره

نجهز السحور

ونسلم مواله

كل سنة جاي بقصص غير

تفتح في قلوبنا

مكان للخير

تزيد الأمل حبة..

و تريح جوارحنا

نسمع لحد ما الصوت

في الشوارع يختفي

والآذان يقيم صلاة الفجر

و يختفي آخر نجم في السما

(إسراء)

إصحى ياناييم

وحد الدايم

اصحى وصحي

قلوب تاهت

وأرواح في الذنوب

ذابت

إصحى وصحي الدنيا

من ثاني

رجع بسمة الطفل

والشيخ وأم البعيد

ثاني

إصحى و استغفر ربك

عساه عننا يتوب

ويرفع عنا البلاء ويكرمنا

بسماع صوت التراويح

من ثاني

إصحي يانايم وحد الدايم

خلي ببيان الكعبة

تنفتح لنا من ثاني

(بسمه)

وتسرع الأيام

كأنها في سباق

مع الزمن

بالأمس كنا نرقب حلول الشهر

واليوم حل وهو في عجل

فياليت الناس

من فضله تنتهل

علنا نفوز بالجنان ونكون

من عتقائه ومن الزاد العظيم

نغترف

(بسمه)

لحظة يا مسحراتي

لا تضرب طبلك

وتعلي الصوت

لا تزعج

النايمين بقبورهم اليوم

أتركهم منا مرتاحين

اضرب شوي شوي

لا تسمع صوتك

لأي شخص

بتعرف ليش؟

نحن صح منتفـس

بس نحن مانا عايشين

نحن ميتين من سنين

من يوم ما ضاعت الياسمينه

و افترقوا النيل والفرات

من يوم ما رضىنا

بأسر القدس ...

(شفاء العوير)

على نغمة هادية
و خطوة ماشية
بين شوارعنا
و لمحة على ناسنا
و الكل منتبه مشدود
ببتابع أسطورة جنود
رسموا لوحة شرف
لوطن جميل محروس
وقفوا بصدورهم
قدام شياطين ملاعين
عايشين تحت الأرض
زي الفيران مذعورين
و النغمة تعلو و تعلو
النصر أو الشهادة
عقيدة في القلوب..
و الإختيار محسوم

(حرف وقلم m)

على جبين الزمن

مكتوب

على جدار الأمل

مفقود

يا حلم تاه وسط

الجدل

يا عمر فات

من غير تمن

قطر الحياة

عدى و فات

و أنت غافل

عن الجرس

عينيك شايقة

سراب و مصدقاه

و صوت الحقيقة

بين غنا عَمنا

صوت المسحراتي

يرن في حيننا

و نفوق من وهم
الحنين
لأيام الصبا
نصحي على صوت
الأنين جوه قلبنا
بيقولنا..
اللي فات من العمر
إنتهى
و اللي جاي...!!
لساه ما ابتدى
لسه الندى
هيرطب ساعاته
و يمحي شوية ألم..

(حرف وقلم m)



للنشر والتوزيع